



Espectaculo Local

Sr. Quito Nicolaas a presenta su Buki "Sombra di Recuerdo"



ORANJESTAD (AAN):--- Na Sta. Teresita Center a tuma lugar e presentacion di e buki di Sr. Quito Nicolaas "Sombra di Recuerdo". Durante e presentacion aki esnan presente tabatin oportunidad pa cumpra e buki aki. Sue-

di "Sombra di Recuerdo". Sr. Quito Nicolaas ta un profesional, kende a hasi diferente estudio pa yega na su meta. For di chikito Sr. Nicolaas tabata gusta literatura. Despues cu el a prepara su mes den diferente

careranan y hasi estudionan afo, el a tuma e decision a cuminsa literatura y prepara su mes bon den esaki tambe. Durante su bishitanan den exterior Sr. Nicolaas a haya diferente inspiracion pa su proyecto. Actualmente Sr. Quito Nicolaas tin 10 obra hopi interesante riba mercado.

Sombra di recuerdo Quito Nicolaas



Sombra di recuerdo – Quito Nicolaas

ORANJESTAD (AAN): E novela ta inspira riba e pelicula The Graduate unda cuater amigo separada-of conhuntamente ta refleha over di antes. Den cada fase di bida nan ta bin topa cu retonan pa scapa di e bida cotidiano. Nostalgia pa e tempo cu a pasa y preocupacion pa e future desconoci ta temanan central den e novella di e tipo 'coming of age'. Topiconan internacional manera esun di e regimen Trujillo, colonisacion, emundomodern y emancipacion ta forma parti di e novella. Den discusionan, temanan cu tin di haber cu nos manera di pensa y actua y degeneracion tin un papel importante, pa asina cuestiona e diferente aspectonan di bida. E bipolaridad den bon y malo constantementè ta presente den e novela. E

novela ta hiba e lector cada biaha den diferente tempo, convirtiendo e novela den un labirento, unda e lector hunto cu e narrador ta purba di busca e berdad di bida. Realidad y fantasia ta wordo mescal den otro. Asina no solamente ta existi diferente tempo, un diferente realidad, sino tambe un diferente localidad den e

novela.

Diasabra awor Quito Nicolaas lo ta na Van Dorp Dakota di 11.00 a.m – 1.00 p.m pa presenta y firma su buki nobo "Sombra di recuerdo" pa esnan interesa. Un bon oportunidad pa cumpra e buki firma pa Dia di Tata, pa e tatanan cu ta gusta lesa.